



PHILOSOPHIA ILLACHRYMANS,

Hoc est,

QUERELA PHILOSOPHIÆ,

Et PHILOSOPHORVM SCOTORVM, (præsertim verò
Borealium) oratoriè expressa:

Publicè habita in Auditorio Maximo Collegii
Regii Aberdonensis 26 die Iulii, 1637;

Quo die Adolescentes nonnulli, Magisterii Candidati,
curriculum Philosophicum emensi, & cum Lau-
reâ emittendi, Philosophici examinis
rigorem sustinebant,

In solenni Clarissimorum Virorum confessu.

Perorante DAVIDE LEOCHÆO, Philosophiæ
Professore, & σύζητος Philosophicæ Mode-
ratore ordinario, dicti Collegii Subprimario.

Frugalitatem Philosophia desiderat, non inopiam, præmium
Philosophus non poenam. *Senec. in Epist.*



ABERDONIÆ,

IMPRIMEBAT EDWARDUS RABANUS,

Almae Academiæ Typographus. 1637.






Illustrissimo & Incomparabili Heroi,

GEORGIO,


Marchioni Huntillæ, Comiti AEniæ, Vice-
comiti Badinachiæ, Lochabriæ, & Stradauniæ; Do-
mino Strabogiæ; Baroni de Gordon; Serenissima Regis
Majestati à Consiliis Secretioribus; Dynastæ Arcis In-
vernessi, Duci Scotorum Equitum Cataphractorũ in Gal-
liã; Equiti Ampliss. Ordinis Balnei: Universitatis Aber-
don. Inspectori ritè designato: Domino ac Patrono suo
summoperè Colendo; in aeterna observantia monumentum
effusissimas has Lycæi Philosophici querelas, D. C. 2.
DAVID LEOCHÆUS *Philosophia assertor.*

EVgeniæ soboles! Gradii cura tonantis,
Stella Caledoniæ Marchio Magne plagæ.
Quam circum Arctophylax, quam circum cætera cingunt
Sidera, hyperboreus quotquot Horizon habet.
Plurima contiguae cédunt cui lugera terræ,
Hinc illinc solo lugera cincta salo:
Qui gentilitiū fultorque, ultorque, satorque
(Numine divino) Nominis unus ades:
Illustris tæc salvè Heros; quo, fulmine belli
Nunc jacet in propriis tæx Lotharingus agris.
Quem reducem Rex ipse Ducem, populusque salutant,
Toraque Hyperborei Gens numerosa soli:
Mæcenæ nostris multùm expectate Camoenis,
Subsidium Sophiæ, delictumque tæx,
Paulùm agedùm, hæc lachrymas atque hæc lamenta Lycæi
Sume lubens; tanto debita dona DEO,
Tristitia sunt fateor: tu qui potis unus, amicam
Affer opem, & Sophiæ gaudia redde reduce
Scotigenis qui læta tuis fers secula, lætos
Languenti Sophiæ Marchio redde dies.
Quod si te tanto maneant me læta Patrono
Te manet ingenio fama sonanda meo.






Quoties in mores Seculi descendo, & presentem hanc Reipub. Literariæ conditionem animo penitus voluo, toties innocentissimæ nostræ PHILOSOPHIÆ miserabilem deploro calamitatem; quæ ab ipsis præpotentibus omnis literaturæ fultoribus juxta ac cultoribus neglecta, pristinae suæ foelicitatis & avitæ gloriæ radios emittere haudquaquam valet. Et quidem maturo Regum, Regulorum, Senatorum Regni nostri, judicio, deliberatione, ac determinatione, Disciplinis quibuscunque aliis sedulò prospectum est: Professionum juxta ac Professorum quorumcunque aliorum incolumitati & emolumento summopere invigilatur: Professionibus suæ substernuntur *Βασεῖς*, constabiliuntur principia, subjiciuntur *ὑποπνωσεῖς*, subministrantur præcepta, præscribuntur limites, quos transgredi vel tantillum violare, piaculum: Sola liberè & laxis habenis, nullo sepimento cohibita, quoquo versum obsordescit PHILOSOPHIA, nullius curâ ac patrocinio protecta, nullius labore ac ocio provecta; inconstans, vagula, hiulca, lasciva, nullis communissimis subnixa fundamentis, nullo communissimo compacta Systemate: nec tantum adeo Professionibus, quantum etiam & Professoribus quibuscunque aliis providè cautum: quibus quidem singulis & ad unum omnibus emerita, prout par est, importantur præmia & emolumenta, ad animorum non tantum, sed & corporum liberiores refectionem: PHILOSOPHORUM vero, ipsissimo Paupertatis in Vacuo jejnan-


tium nulla ratio: negliguntur, proscinduntur, & diræ inopiæ baculo passim vapulant: infirmantur elumbes, exangues animam agunt, ut ubicunque vel quotiescunque videas, totidem verorum quasi hominum larvas accipias: Scilicet, est illa horum præ reliquis conditio commiseranda, condolenda: quod quidem facit ut fame & penuriâ ita oppressi, rancidulum nescio quid speciosam veræ PHILOSOPHIÆ umbellam quod referat, Tyrunculis sibi commissis, intra frigidissimorum Gymnasiorum septa ἐκοντες ἀέκοντες quâ interdiu quâ noctu, ad raucedinem usque, subindè obtrudant.


Sed me heic à querelis tantisper reprimo, dum summam disciplinarum quarumcunque aliarum gloriam, propagationem, tranquillitatem, emolumenta itidem & alcyoneos Professorum quorumcunque aliorum dies palam vobis faciam. Floret & æternùm in Regno hoc nostro floreat Regina illa THEOLOGIA, principiis juxta ac fundamentis suis firmissimè suffulta & uniformiter exculta, quam nulla (DEO gratias) discrepantium opinionum labes inficit, nulla ἑτεροδοξίας pestis attingat: uniformis utrobique apud nos Pastorum non tam singulorum, quam Professorum ad unum omnium in re THEOLOGICA conspiratio & harmonia, ad amussim VERBI DIVINI ἐγχεσθως traditi est. De quorum victu & amictu, proventu & annuis redditibus, indies magis magisque accrescentibus, uti hactenus, ita etiamnum summoperè prospicitur, communibus Regis, Regnique suffragiis, & adstipulante quorum est, omnium autoritate: quorum foelicitati tantum abest invideamus PHILOSOPHI, ut ὁμοθυμαδὸν potius comprobemus ac congratulemur φίλοις.

Nec tantum THEOLOGIÆ modò, sed & PHILO-
LOGIÆ

LOGIA & Amoeniori Literaturæ sua eaque summa apud nos amoenitas est: De re Grammaticâ (ut sigillatim singula) abundè non ita pridem ab ipsis Politioris Literaturæ Antesignanis consultum fuisse, vel argumento esse potest, egregium illud *D. DAVIDIS WEDDERBURNI, ABERDONENSIS* Scholæ Scholarchæ meritissimi, Systema Grammaticum verè aureum, compendiosissimâ methodo & accuratissimâ docendi formulâ exaratum, unanimique omnium quorum intererat, applausu & authoritatè comprobatum; quò, tanquam Archetypo & exemplari instar omnium uno, (repressis & insuper habitis quibuscunque aliis aliorum hac de re conatibus) tenellæ Juventutis imbuantur ingenia, & ad sublimioris Literaturæ studia promoveantur: Quinimo & istis (quorum ex professo est hanc excolere) suæ unde vivant assignantur mercedulæ & laborum præmia, quanta nimirum satis ad inopiam arcendam, & ad vitam tranquillè & sobriè transigendam: Lege cautum, & quidem optimo prout par est jure, de Ludi-magistrorum in singulis cum Oppiditum Parochiis, re & proventu: Vivunt, vigentq; securi illi in Ludis suis, congestis illis & annuatim collectis stipendiolis suis: (præterquam quod alicubi, laborum gravitati annua Præceptorum Salaria, ne adhuc quidem quod dolendum est respondeant:) quod de dicto *NEABERDONENSIS* nostræ Scholæ Moderatore (omnium qui inter nos cum laude invigilant longe primo & meritissimo) intelligi volumus: usque adeo unde quaque penè querendi materies sese ingerit. Floret tamen illa quam profitentur Ars Grammatica, Systemate suo tanquam sepimento tuta, eadem doctrinâ, methodo, & docendi formulâ transmissa & ad Archetypi amussim diligentissimè tradita, quam negligere & Tyronibus non proponere, piaculum.


Cæterum, nec heic prætereundum, quod pro redin-
tegratione, & inopportuno inopinatoq; aliarum Profes-
sionū constabilimento (in quibus per tot retrò secula,
excellentię & utilitatis ipsissima apud nos obsolevere
insignia) tantâ non tam Authoritate quam animo-
rum cum impetu non ita pridem factitatum. Quorum
quidem laudabilis in strenuâ tam speciosæ rei procura-
tione, sicuti per omnia & ab omnibus approbandus co-
natus, ita & oppidò condolendus dispar successus:
Constat quippe (ut ad particularia, & quæ Rempub.
hanc nostram literariam attinent) constat inquam
utramque illam *MEDICINÆ* & *IVRIS* utriusque
Professionem, maturo *IACOBI SEXTI* rē
~~regis~~ iudicio ac determinatione, unanimique
SENATUS utriusque cū Civilis tū Ecclesiastici
deliberatione & calculo suppressam, (justissimas haud-
dubiè ob rationes) hætenus quidem obsolevisse; nunc
verò de integro restitutam utramque, redditibus saltem
suis & proventibus annuis (si non aliò) usque-adeo in-
turgescere, ut cum ipsâ illa omnium Reginâ Professio-
ne Theologicâ (hac saltem in re) comparationem in-
stituere audeat. Sola, sola interim illa nostra (specio-
so nescio quo titulo foelix, an infœlicior potius) *PHI-*
LOSOPHIA, partim temporis injuriâ, partim hominum
incuriâ, in obscuro profundissimi silentii angulo obtor-
pet, & secretis quiritationibus deplorandam sui condi-
tionem ruminat: negligitur, prætermittitur, tanquam
ipsa fœx insipida, & insensissimus purioris eruditionis
hostis esset.

Verum-enim-vero, (ut rem sine fūco & felle) quid
quæso causæ quod nostra hæc, quæ nobis pro virili
excolenda proponitur *PHILOSOPHIA*, usque-adeo
hodiè hiulca, lasciva, inconstans, vagula, tot tantisque
Paradoxor


 Paradoxorum nubeculis obruta, & inanium Sophismatum labyrinthis perplexa appareat? Quorsum tantus Luxuriantium ingeniorum pruritus in te **PHILOSOPHICA** usque-adeo uti hactenus erupit ita etiamnum erumpit? Ut quoquò temet hodiè convertas, perspicias ilicò quot capita tot sententias ipsissimis genuinæ **PHILOSOPHIÆ** in fundamentis immanè quantum dissentientes; ut non tam ii quos **PHILOSOPHOS** vocitant lucem rebus attulisse, quam tenebras potius ac veluti noctem aliquam offudisse videantur: ad dolendam innocentissimæ nostræ **PHILOSOPHIÆ** non tam infamiam quam *παρολθεῖαν* verius? Quorsum insuper tanta **PHILOSOPHORVM**, hac præsertim tempestate laborantium, in hariolando inconstantia ac libertas, ut quod huic nunc & hodiè perquam subridet, quod subrideat, quod pro veritate indubitata esse possit, eidem idipsum post & cras perquam displicet, utque cum Comico loquar, quod modò dictum indictum, quod modò ratum irritum fit: ac si ipse extra se esset, & sibi satis parum constaret? Ac, ut verbo, quorsum singula, quorsum omnia in **PHILOSOPHORVM** Gymnasiis usque-adeo *ἀστυφονα*, ut quotiescunque **PHILOSOPHANTES** accipias, merè insanientes potius quàm verè **PHILOSOPHANTES** habeas? Verbo reddam! Mira ac mera **PAUPERTAS** est quæ ad insaniam usque-adeo nos rapit; cujus flagello solo elumbes vapulamus **PHILOSOPHI**: eopse præsertim temporis articulo quo Tyrunculis nosmetipsi nostris severioris disciplinæ flagella admovemus: Scilicet,


*Nel habet infelix paupertas durius in se,
 Quàm quòd ridiculos homines facit. —*

Sola, sola inopia est quâ solâ soli deprimimur, quâ in meditando, docendoque usque-adeo hallucinamur,

quâ philosophicè insanimus, quâ denique nosmetipsi nobis nuspiam constare videamur.

Vos in re adeo perplexâ vel Medicos appello, quorum ex professo est in humani corporis temperamentum, inque disturbati cerebri *διανοητικῶν* introspicere, causas rimari, mederi sicubi opus, & **PHILOSOPHIS** præsertim tantoperè laborantibus adhibito diligentiae & artis vestrae Alexipharmaco gratis subvenire: dicite sultis Medici, quid cerebrum magis quidve iudicium præsertim Philosophicum, quam dira necessitas, quam quotidiana victus & amictus indigentia conturbabit? Humorem fames adustione suâ incurabili omnem penitus depascit, vigorem inedia paulatim imminuit, ut subinde penitus extinguat, & inevitabilis paupertatis imago horrida, grassantisque inediae & egestatis continua recordatio nunquam non obveniens periculosam Phantasiae vertiginem imprimit, & interioris iudicii aciem infœlicissimâ nescio qua irruptione enervat: Undè illa hodiè in modis apprehendendi indebitis, si non puræ negationis, saltem pravæ dispositionis ignorantia deflenda, & **PHILOSOPHORVM** temeritas plusquam toleranda? Quidni igitur delirabit **PHILOSOPHVS**, ad incitas (uti aiunt) usque-adeo revocatus, in Proletariorum numerum nunquam non relatus, qui cum **GALLICIS** illis Bli-teis diurnum passim quæritat, qui ne de suo quidem habet (ut **SENECÆ** verbis utar) quo vel ventri aut Scapulis suum reddat, ac ut verbo qui præter-propter vitam suam, non in ipsa vivit, ut ait ille. Cui paupertas malesuada tantopere & invidet & obest, quem lancinat, quem pungit; qua interdum, qua noctu; quâ in Gymnasio, quâ extra.

O intolerabilem Inopiae necessitatē, **PHILOSOPHIS**


 præsertim, quorum (si non est præ penuriâ) saltem ex officio esse debet, herculeo labore & animositate sublimia quæque intentare, nec quidpiam inexploratum intactumque derelinquere quod humana mens vel concipiendo assequi valeat: quorum esse debet liberrimâ cogitatione, & tranquillâ mente, amplissimum hoc totius Universi Theatrum subindè invisere; penitissima terræ viscera, & profundissimos Centri recessus audacissimè perrumpere: in sublimi suspensa, & in aëre pendula variorum generum Meteora perquirere; secretissima Ventorum penetralia & claustra indefesso pede invisere: reciprocas fluitantis Oceani vicissitudines ipsissimâ Rationis in balance librare, & rei tam stupendæ causas, ortus, rationesque (successu supra Aristotelicum) pensiculatè perstringere: Pluvias, grandines, tonitrua, cæteraque id genus alia quæ vel ad Nubes, vel in Nubibus, prævidere, & ad accuratam *Φαινομένων* observationem fidelissimo prognostico futura prænunciare: admirabilem Elementorum jugiter confligentium, & sibimet-invicem mutuò in Misti generatione adversantium quaternionem sigillatim per omnia ponderare: in quintam denique illam *ARISTOTELIS* Essentiam, purissimam illam quidem & corruptionis immunem


Quam non fuscatur hyems, qua nullo tingitur imbrī,
 entheâ quadam animositate, & Archimedæâ tranquillitate gradatim conscendere, Cælorumque Motus, Orbes, Figuras, Plagas, Vices, viresque & id genus alia perlustrare: vastissima Planetarum corpora, curioso Instrumentorum artificio accuratissimè commensurare, & scintillantes Siderum fixorum globulos subactissimi judicii digito quasi connumerare: abstrusiores rerum causas, & abditissima Naturæ Enigmata, diligentissimâ indagine perscrutari; quibus si pau-




pertas, si dira fames, si denique rerum penè omnium inopia continui comites, quid quæso spei de foelici tantæ provinciae successu, deque optato studiorum eventu proventuve fiet?

Itum est, & etiamnum itur in abditissima Terræ penetralia, auspicio, duæu, & solo lumine *PHILOSOPHICO*; ad intima usque Auri Argentique, & omnis generis Mineraliū viscera perfodienda, prælucente illâ solâ subtiliss. Philosophorū faculâ, quâ submotâ, Talpa indubiè fuisset omnis cæteroquin *ἀφιλοσοφος*; hinc illa tot & tanta, in occultissimis Divitum Thesauris & Loculis reposta Auri Argentique Talenta: quorum *χρήσις* & *κλήσις* per fas nefasque, ab innocentissimis *PHILOSOPHIAE* Professoribus, tanti Muneris primis præcipuisque procuratoribus violentissimè hodiè detinetur: ut quod Divitias Vulgus vocitat, *PHILOSOPHIS* præsertim *χρήσις* non sint, sed inexplibili avaritiæ consecrata *κλήσις*. Itum insuper ab Agricolis, in exteriorem parturientis Telluris superficiem, uncissimorum Aratorū ope & adminiculo, ipsissima præpōdigæ Cereris ad Munera perquirenda, & omnis generis frumēta multiplicanda, sine quorum usu quotidiano robustissimus non tam Agricola, quam saluberrimus ipse omnium, Medicus extremam vitæ resolutionem subiret: Sed quisnam amabò tanti laboris tam strenuus indagator, director, & omnium primus demonstrator? An Rusticus ipse villanus? Atqui omnium calculo ignavissimus is: An Medicus? Atqui hujus ex professo pridem fuit & etiamnū est Microcosmi solius Campum & humani Corporis sterilitatem Panaceâ suâ recreare: An Iuris utriusque peritus? Atqui illi unicè demandatum, semetipsum in Civitate continere, & inibi suppullulantibus in fori Viridario jurgis, si non


præesse, saltem interesse, & vacillantis per omnia
 Clientis causam pro rostris agere: Quid ergo? Si
 ne his quidem abjisse, utique hoc quicquid operæ
 est, *PHILOSOPHICO* lumini & *PHILOSOPHO-*
RVM molimini unicè adscribendum erit: quibus
 omnium primo, non tam interioris Terræ innotuere
 qualitates, quam & exterioris Telluris ad seminan-
 dum commodissimæ, temperatura & vis: qui per qua-
 dripartitam illam Anni varietatem ejusque expressissi-
 mam indigationem, Agricolis normas, & lucu-
 lentissimas observationum *πρόγνωσης* naturalissimæ
 suâ perspicacitate omnium primo fecere, de circum-
 stantiis nimirum loci temporis & id genus aliis dili-
 gentissimè observandis: præsertim vero de subven-
 turæ vel tempestatis Cataclysmo, vel siccitatis intem-
 perie, vel noxiâ Ventorum irruptione: quod nisi fie-
 ret, ilico de fælici Agricolarum successu, deque op-
 tatâ Vindemiæ prosperitate & proventu actum foret.
 Ista quidem Philosophi & id genus commoda & emo-
 lumenta mille alia ad vitæ humanæ sustentationem
 perquam requisita liberrimè & benevolentissimè uti
 hæctenus, ita etiamnum labore & industria suâ im-
 portant: qui tamen interim, proscriptione nescio quâ,
 ab annuorum proventuum vel moderatâ fruitione, & ab
 omni penè dixerim Annonæ importatæ possessione &
 fructuum usu, posthabito omni *εὐσυνείας* & Chari-
 tatis respectu indignissimè prohibentur: Quibus qui-
 dem hodiè & prout ætas fert, vel exoptandæ Decimæ
 Decimarum Decimæ ad inopiam sublevandam, & ad
 vitam tranquillè & sobriè transigendam: Ut parum ab-
 sit, quin *PHILOSOPHIS* hodiè nostris omnium
 maximè quadrare (si non debeat) saltem possit Vir-
 gilianum illud totfariam ingeminatum. (*Sic vos non*
vobis, &c.)



 O deplorandam ingratitude vel Ethnicis invi-
 sam ! Quod primi procurarunt subtilissimâ suâ inda-
 gine *PHILOSOPHI*, usque-adeo hodiè ultimi meren-
 tur, ut ære & proventu penè nullo vel perquam modi-
 co mereant : undè hodiè fit, ut rei familiaris oppressi
 penuriâ, fœcunda literaturæ *PHILOSOPHICÆ* semi-
 na roris debiti favore & beneficentiâ neutiquam ri-
 gata, in inculto Iuventutis agello arescere sinant :
 Undè fit, ut in obscuro clarissimum purioris *PHILO-
 SOPHIÆ* lumen delitescat, & sitibundis lucernulis
 præ defectu Olei penitus extinctis, stilo *PHILOSOPHI*
 aut calamo ad Lunam quæ per somnum conceperant
 enotare cogantur ; quibus ne vel stips in Marsupio aut
 drachma quâ vel Vacuum propellant, vel pro-
 movendis continuandisque Philosophicis studiis
 Aristotelicum sibimetipsis textum coëmant : Undè fit,
 ut qui in fortes Reipub. columnas poterât excrevisse,
 subtilissimi ingenii capacitate dotati, *PHILOSOPHAN-
 TIUM* Gymnasia derelinquere cogantur ; & à Necta-
 reo *PHILOSOPHIÆ* (quam primitus degustaverant)
 poculo violentissimè propulsi, solâ inediâ novercante,
 aliorsum palabundi abripiantur : Hic, necessariis orba-
 tus subsidiis, residuum vitæ peregrinando transigens,
 natali solo nolens volens valedicere cogitur, pauper-
 ta male suadâ suadente : Cui rei fidem faciendo (ut re-
 liquos silentio prætermittam) insignis illa *SCOTORUM
 PHILOSOPHORUM* trias succurrat : Admirabilis pri-
 mum *CRICHTONUS*, constantissimus præ pauper-
 tate domesticâ peregrinus ; in subtilitate, præserim
PHILOSOPHICÂ, solus sine compare : cujus memo-
 riam, famam, gloriam, nedum *SCOTIA* quæ genuit,
 nedum *ITALIA* quæ fovit, sed & Orbis quæ patet
 universus æternum de prædicabit. *BALFOREUS*



 ille nostras, Aristotelicæ subtilitatis Doctor resolutis-
 simus, ad *GALLOS* hinc præ necessitate transmissus.
IACHÆUS ille *ABERDONENSIS*, calamitate
 non absimili commotus, *LEIDENSIS* Literaturæ
 ocellus, & in re *PHILOSOPHICÂ* omnium inter *BA-
 TAVOS* versatissimus; quem benignissimis non ita pri-
 dem impensis, impensissimè *ATAVI* & liberalissimè
 aluere. Ille itidem, ab Orthodoxâ Religione miser-
 rimè desciscere, & salutaris fidei naufragium facere
 extremæ necessitatis impulsu compellitur; & fallaci
 amœnioris affluentiae & divitiarum laqueo irretitus,
 damnofo *IESVITARVM* aucupio lubens volensque
 se submittit: Cujus generis Apostatas non paucos,
GERMANIA, *GALLIA*, *ITALIA*, uti hætenus ita
 etiamnum fovent: Ita pro pauculis minimisque quibus
 acquiescit Natura, Athletæ amittuntur egregii, ad
 summum Literaturæ, non tam humanioris quæ inter
 nos est, dispendium, quam Religionis nostræ Ortho-
 doxæ vilipendium.

Sed ab his me reprimo; quodque in omnium ore
 & oculis est, palam hodiè proferre non verebor: Con-
 vertite quæso oculos ad *PHILOSOPHICAM* quæ in
 Regno nostro est Professionem, ejusdemque hac tem-
 pestate collaborantes Professores, singulos & ad unum
 omnes. Ecquem quæso reapsè *PHILOSOPHYM*, hoc
 est, eruditum sagacem, acutum invenietis? quem da-
 bitis qui subtilitate *PHILOSOPHICÂ* vel sibi, vel Pa-
 triæ suæ splendori, aut ornamento sit? Qui perdius
 pernioxque aut pernix in hoc sit? Cujus ἕνεκα per uni-
 versam vitam *PHILOSOPHIA* sit, hanc ut ornet Spar-
 tam, hanc ut promoveat provinciam? Quid porro
 causæ cur tot tamque eximios apud exteras nationes
 Dynastas, & in re *PHILOSOPHICÂ* omnium versatissi-




 uos videamus? Quod ab his, tanquam Luna à Sole,
 PHILOSOPHI nos, mutuatitiam illam (quantula-
 cunque illa sit) lucem & philosophandi rationem
 habeamus? An quæso quod Scoti nos *σκοτία* nube
 obvolvamur? An quod rudes, quod agrestes, quod
 denique tantorum Mysteriorum incapaces? Minimè
 gentium: Enimvero uti hætenus inter SCOTOS nus-
 plam deerant, qui cum magnis illis PATAVIÆ Lumi-
 nibus ZABARELLÂ & PICOLOMINEO æmulis, qui
 cum MEXICANO illo AMERICANO, qui cum
 Systematico illo KEKKERMANNO DANTISCA-
 NO, qui denique cum CONIMBRESENSIBVS illis
 sibimet-invicem usque-adeo suffragantibus, cæterisque
 ejusdem notæ & nominis PHILOSOPHIS exteris, pro
 emerito PHILOSOPHIÆ subtilitatis brabio commi-
 nus eminus in arenam descendere subindè intentave-
 rant, ita etiamnum non defunt (modò rei familiaris
 mediocritate, & necessariis uti par est sublevarentur
 subsidiis) quorum insignis in philosophando perspi-
 cuitas, SMIGLESIOS, ARIAGAS, MENDOZAS,
 & si quos id genus alios alibi florentes Neotericos
 quàm multis parasangis transcendere possit.

Quid ergo? Vultis hujusce rei tam vituperandæ ra-
 tionem? Verbo reddam; Professorum hac præsertim
 tempestate in PHILOSOPHIÆ pulvere defudantium
 tantilla ratio & reputatio est, ut ne ipso quidem (apud
 nos præsertim) Professorum elogio (quod quidem
 omnium minimum facillimèque concedi possit) insigni-
 antur: ut Pædonomi potius mercenarii, vel abjectis-
 simi potius *Bursarii* (vocabulo, ejus etymon non
 tam nostris ignotum, quam emphasis ignominio ple-
 na) quàm veri Professores mercantur: Quibus qui-
 dem annuatim, vel nulla, vel tantilla sequestrantur
 Salaria


Salaria, uti vix integra à ventre vacuum propellant:
Dummodo interim qui *ἐκωφῆ* sint alii, specioso nescio
quo Professionum suarum prætectu, sibimet-ipsis om-
nia, quæ vel utilia vel speciosa vendicent, ac pro pe-
culio reputent; depeculatis interim deplumatisque
misellis illis **PHILOSOPHIÆ** Professoribus, Platoni-
ci illius Galli in morem: Quorum quidem hodiè
& prout ætas fert, fatum est, in jejunis illis Gymnasio-
rum suorum angulis sibimet-ipsis & Musis suis cantil-
lare, & ingratum nescio quid Tyrunculis suis, (multo
sudore, & precibus conquistis) subindè inculcare;
quibus totus (uti aiunt) aër nebula, & quicquid
flaverit Aquilo est, quorum universus annus, hyems,
& una dies annus est: qui num ipsi vigilent, num dor-
miant, in suspicione jugi sunt: quibusque pro præle-
ctionum Themate, per universam vitam sufficere pos-
sit, vel Virgilianum illud

*Disce puer Virtutem ex me, verumq; laborem,
Fortunam ex aliis latam* ———

Undè fit, ut vixdum plenè Lycæum **PHILOSOPHI-**
cæ excolendæ non tam Iuventutis, quàm **PHILOSOP-**
HIÆ quam profitentur gratiâ, introgressi **PHILOSOP-**
HI, egressum statim meditentur: atque ita **PHILO-**
SOPHIAM primoribus vixdum labiis degustatam, mo-
mento citius nauceabundi respuant: Non quod ipsis
humana **PHILOSOPHIÆ** displiceat studium, sed quod
PHILOSOPHIÆ promovendæ neutiquam subrideat
Brabium & Minervale debitum; Minervale inquam,
tantillum quidem ex se, ut justissimas Minervæ cete-
roqui modestissimæ querelas extorqueat: Quid igitur
mirum, si eternum **PHILOSOPHIA** inter nos obdor-
miam, si inculta jaceat, si denique usque-adeo neglecta
vilipend


vilipendium juxtà ac dispendium ipsa patiatur.

Bone DEUS! In quæ nos tempora reservasti? Tem-
pora ingrata, tempora amara, tempora inhumana, tem-
pora suspiriis & lachrymis plenissima: Ecquis enim Phi-
LOSOPHO quondam celebrior? Ecquis ipso charior?
Ecqua quondam liberrimâ PHILOSOPHIÆ disciplinâ
illustrior, aut appetibilior? Ecquod unquam in hu-
manis studium, Philosophico jucundius extitit?
Percurrite sultis universam venerandæ Antiquitatis se-
riem: Contuemini vel Magnum illum Terrarum Do-
mitorem ALEXANDRUM, qui (præterquam quod
summo Stagiritam nostrum honore & veneratione
prosequebatur) majorem etiam se (quod majus &
mirabilius) magnum illum dolii inhabitatorem Dio-
genem (utpote quod PHILOSOPHVS fuisset) pronun-
ciare non erubuit. Qui, præmisso colloquio, Regi
quondam Maximo, confessionem extorsisse hanc cre-
ditur, *Nisi Alexander essem, Diogenis fortunam opta-
rem.* Memoriam proditum, tanti semper VESPASIA-
NUM PHILOSOPHOS apud se habuisse, ut vel interio-
ris pectoris ostia omnium maximè PHILOSOPHIS ad-
aperta præbuerit: cui confirmando, vel argumento
esse potest, quod Apollonio quondam PHILOSOPHO,
accessum ad Dionem & Euphratem PHILOSOPHOS,
apud se jugiter diversantes, respondisse dicitur;
*Ἀλλεως παρέχω τὰς θύρας τοῖς σοφοῖς ἀνδράσι, τοῖς
δὲ καὶ τὰ σίερα τὰ ἐμὰ ἀνέωχθαι δοκεῖ.* Utinam no-
bis hodie, omnium maximè afflictissimis PHILOSO-
PHIS (quotiescunque Charitatis, Beneficentiæ, & Li-
beralitatis limina pulsamus) tantâ copiâ & effusione
Miserecordiarum *σπλάγχνα* effunderentur! Utinam
etiam quotquot hodie PHILOSOPHIÆ Professores in
Regno nostro exant, totidem unâ essent, interessent,
& present

& presentissimo suo auxilio adessent Vespasiani oppulatores, qui Philosophis pro Misericordiae foribus abjectissimè prostantibus, nedum exteriora humanitatis ostia, sed & interiora animorum τὰ σίερα adaperiant.

Sed me heic consultò reprimò, ne effreni licentiæ præscriptas Mediocritatis & Modestiae metas desultoriè transilire videatur Oratio. Unum dictis superaddere in transcurso licebit, oculatissimum licet illum sui temporis Senecam, falsissimo nescio quo prognostico, summam Philosophiæ & Philosophorum ut tranquillitatem nunquam desituram, ita & dignitatem nunquam intermorituram prædixisse: *Nunquam (inquit) instantum convalesces nequitia, nunquam sic contra virtutes conjurabitur, ut non Philosophia & Philosophorum nomen venerabile & sanum maneat.* Hæc ille, haruspicio nescio quo, futuri incertissimus: an deliberatè satis & fideliter, judicent hodiè afflictissimi quorum interest per omnia Philosophi.

Verum-enim-verò, tolerabilior quidem inopia hæc nostra foret (qua tantopere depressi nos, & de quâ usque-adeo queruli) modo vel libertate (aliis ad luctum concessâ) vel aliquali laborum intermissione, laboriosissimi nos potiremur Philosophi: Modo nobis vel tantillum ocii, aut tranquillitatis suppeteret, quo vel prandiolum Philosophicum, (multo amaritudinis felle conditum) raptim sumere, vel spiritum recolligere, vel somno & vigiliis vacare, præ jugi laboris inquietatione concederetur. Vos conscios Gymnasiorum Lares appello! Edicto, sultis, vestro (semotâ omni προσηγορίας suspicione) palam fiat, quid vobis de singulis seorsim, quid de singulorum meritis, eorundemque Provinciis, & prælectionum profectu,



fectu, quid speciatim de inexhaustis infandisque Scotorum Philosophorum laborib⁹ & vigiliis sentiendum? Ecquis enim, (DEUM immortalem) vel *ATLAS* tanto Philosophorum oneri subeundo par? Præterquam enim quod hi Cœlum ipsum, quæque sub ipso sunt singula, humeris quasi suis suffulciunt, hoc est, abstrusissimas eorundem naturas, conditiones, proprietates, *ἐνεργείας*, quæque in ipsis delitescent, abditissima quæque, in apertam lucem proferunt, innumerabilib⁹ insuper & aliis laborum generibus (queis vel intentandis impar, modò superstes Hercules) ad infimam usque *πανάθηρ* abyssum, miserandum in modum degravantur: Nunc intollerabilem Ixionis penam, ab Harpyeis nescio quibus sustinendo; hoc est, renovatam dilacerati cordis consumptionem, an consumptam potius renovationem nunquam non crudelissimè tolerando; quorum vel interiora pectora, ærumnarum curarumque nunquam non subingruens vis (ut verbo Vitruviano utar) fenestravit: Nunc vehementissimam Tantali sitim sitiendo; hoc est, in mediis circumfusæ voluptatis fluminibus, inani quod præterlabitur conamine captitantes, ipsissimam, præ rei fugitivæ desiderio, Animam exhantlando: Nunc (quod in jugi motu & volutione est) Syssiphi quasi Saxum laboriosissimè revolvendo: hoc est, recursantes Philosophici pensî viciscitudines incessanter subeundo; quâ commissum sibi gregem leniter monendo, quâ & acriter cohibendo, quâ assiduè invigilando, quâ strenuè incumbendo, quâ diebus non tam legibilibus illis (Professoribus quibuscunque aliis indictis) quam Septimanæ & Anni singulis, quinimo & singulis singulorum horis momentisque nunc docendo, nunc examinando, nunc inculcando, nunc reiterando.

terando; quâ passim syllogizando, quâ solvendo, quâ distinguendo, quâ probando, quâ negando, quâ amplificando, quâ exemplificando; quâ per omnia longissimo itinere studiosam juventutem præceptis imbuendo: quâ denique annuatim philosophici examinis rigorem sustinendo & in solenni Clarissimorum & literatissimorum virorum confesso, comminûs eminûs in arenam philosophicam descendendo: Ac ut verbo, dum ferias alii suas tranquillè, & summâ in securitate peragunt, dum libertate rerum optima potiuntur, soli soli interim nos Philosophi pro proletariis habiti, inermes, vaguli, penduli, παρ' ἐλπίδα ἐπ' ἐλπίδι, anniversariis hisce partim declamationibus, partim dimicationibus scholasticis erumnosissimè discrutiamur: Ut desperandum nobis vel hodiè sit de indicti hujusce Duelli Philosophici successu, modò vos (quibuscum hodiè congregiendum) Pancratici, ex merâ vestrà Misericordia violentiam in dimicando solitam paulum de more remittatis. Ad cumulum etiam accedat, periculosa illa quotidianæ Conversationis & Morum censura, & rigidissima vitæ Philosophicæ in minutissimis quibusque animadversio, (quod Philosophis nostræ tempestatis gravaminis instar omnium unius loco obveniat:) Utpote quod hi omnium obtutui & oculis maximè expositi, & in summo quasi Montis cacumine totidem quasi Lychni inardentes constituti, severioribus prætereuntium Momorum & Aristarchorum non tam crisibus quam calumniis subjiciantur; usque-adeo ut quod aliis vel ex autoritate licitum, vel legitimo jure concessum, Philosophis insolidum denegetur. Hæc est illa, si non accuratissima Philosophici infortunii delineatio, aliqualis saltem ejusdem adumbratio, quam qui, vel animorum oculis
sub jic

subjiciunt, vel exterioribus auribus fluxim accipiunt, ne ego illos, Marpesias quasi cautes, & præcordia ipso vel Adamante duriora circumgestare dixerim, qui calamitate tam tristi nobiscum unà non commoveantur.

O quàm juvaret, quàmque è re literariâ esset ulterioris exhilarationis ergò, subtilissimis Scotorum Philosophorum indulgere ingeniis, succurrere inopiæ, subvenire necessitati, & ex superabundante proven-
tuum reddituumque promo-condo & liberalitatis Gazophylacio, aliqualem quo commodius vivant vi-
geantque debitæ mercedis portiunculam seponere! Quod quidem modo fieret, amodò rutulantissimum purioris Philosophiæ jubar, (quæ æternæ Veritatis *σπέρμα* ab Alexandrino dici consuevit) ad obtenebratæ capacitatis Nadir quod jam residet, supra judicii horrizontem sese exereret, & in subtilitatis nostræ Zenith tandè recumberet: Amodò in Philosophando summa dexteritas, amodò in profitendo summa esset prosperitas: Amodò non Annum non Annos, non Iuventutem solùm (uti moris est,) sed in oprato Philosophiæ pulvere ad extremum usque consenesceret Philosophus: Amodò inter nos qui cum Scoto Scoti in subtilitate, qui cum Thomâ in eruditione decertarent non pauci: Amodò omni-jugæ eruditionis Athenæum universa quâ patet Scotia esset; & exindè tanquam ex equo Troiano, innumerabiles militiae scholasticæ Coryphæi, non indecoro pulvere sordidi, velut agmine facto turmatim subindè crumperent, qui cum exteris illis usque-adeo hodie conspicuis Philosophis punctim per omnia congregarentur. Indè Chyrurgus quo exactius anatomizet, indè Medicus quo Corpus humanum foelicius introspeciat, indè Alchimista quo Lapidem Phil

dem Philosophicum facilius acquirat; indè Juris utri-
usque peritus, quo ritè Syllogizando, prò rostris for-
tius agat: indè & ipse Theologus quo Heterodoxorum
insidiis, & sophismatis cautiùs occurrat: Ac (ut ver-
bo) unà omnis effloresceret literatura, clarissimis remu-
neratæ Philosophiæ radiis collustrata.

Atqui à tergo nonnullos acerrimè reclamantes, &
authoritate nescio quâ advorsum insurgentes accipi-
mus, innocentissimam hanc nostram Philosophiam
calumniis adpetentes, & offensissimis passim dictæis
proscindentes: ociosissimum nimirum luxurian-
tium Ingeniorum commentum, fallendi temporis causâ
confictum, uti hætenus extitisse ita etiamnum esse; ad
humanam interim societatem, vel Reipub. emolumen-
tum ne hilum quidem de suo conferre: proindeque
ipsos inutilis hujusce & odiosæ Disciplinæ Professores
ne vel asse beandos, ne vel ipso Professorû elogio in-
signiendos, multo minus condignis stipendiolis afficien-
dos, aut aliquali facultatum, aut proventuum aucturâ
donandos: Quodsi quidpiam illis aut erogandum, aut
ex gratiâ concedendum, ex communi Reipub. literariæ
ærario desumi neuntiquam debere, quin potius ex me-
râ eaque voluntariâ Parentum beneficentiâ & arbitrio
(quorum liberos in Philosophiâ, & Artibus liberalio-
ribus instituendos suscipiunt) aliqualem illis merce-
dulæ portiunculam sequestrandam, quæ Philosophis
omnium abjectissimis satisfactionis loco sufficere &
possit, & debeat. Hi sunt (Aud.) qui specioso nescio
quo Professionû suarum prætextu, Professionû quarum-
cunque aliarum (præsertim verò Philosophicæ) fa-
mam, gloriam, & existimationē pro virili imminuturi
sunt. Quibuscum hodie congregari oportere pretiū non erit.
Hoc tantum obiter, & in transcurso æquil-
F
simis



simis Arbitris judicandum remittimus, num rationi congruat, aut è re literariâ sit, Professores, solo nomine, & titulo tenus conspicuos, an potius humanarum disciplinarum Professores non tam nomine quam studiosorum suorum numero insignes, condignis præmiis afficere? Numquid enim qui titulo solo *Ἐκατονταρχ* audit, ad geometricam disciplinæ militaris regulam, illi in remuneratione, & præmio coæquandus, qui instructo Militû suorum cû Centenario comminûs eminus in arenâ indies descendit? Numquid reportatâ victoriâ, & prælio foeliciter gesto, ipse exercituum Dux ad milites, (ipso longè pauperiores) remittendus? ut ab his Donativû ipse suum & fortitudinis brabium precariò & ignominiosè exigat? Quod si quidpiam fortè illi ex merâ gratiâ & ultroneâ militum suorum liberalitate, in debiti obsequii & observantiæ pignus elargiendum, an quæso pro re tantillâ, & ex se fortuitâ, compactâ supremi Principis mercede & liberalitate illiberalissimè privabitur? Vin' verbo quid per hæc? verbo reddam: Exemplo primum tuo præi Philosophorum quisquis es Antagonista: hoc est, Studiosos tuteipse tuos (si qui sint) mercedem tuam deposce, quâ solâ contentus vivas, insequemur à tergo quantocyus Philosophi studiosorum nostrorum præmiolis contenti. Sed me reprimo! Subinnuisse, satis, quod vobis sigillatim perstringere inpresentiarum neutiquam nos penes est.

Hec porro, (fieri possit) alio nos telo adpetat Ianus bifrons quisquis is, & universum Antiquorum Philosophorum agmen junctim objiciat; prima nimirum illa & principalissima purioris Philosophiæ lumina, Philosophiam cineribus obrutam & lethali Protoplasti contagione è cæcis mortalium mentibus penè

penè extinctam, indefessis suis laboribus & vigiliis qui primi ad invenerunt, ad inventam locupletarunt, locupletatam consummarunt, & consummatam posteritati transmiserunt, Academicos, Stoicos, Peripateticos ad unum omnes, priscos nimirum illos, voluntariam Paupertatem divitiis longè anteposuisse: edocuisse gratis, promovendæ potius Philosophiæ quam rei familiaris ergò: ac ut verbo, strenuè unâ omnes laborasse olim, citra omnem longè mercedis compactæ intuitum: Socratem illum oraculo sapientissimum, modico contentum vixisse: omnia sua secum semper Catonem transportasse, & universam uti aiunt substantiam suam indutum fuisse: Zenonem, Chrysippum moderata suasisse: Senecam Lucilio suo paupertatem contubernalem adhibuisse, utpote quod parvo fames contenta, magno fastidium sit: & si vacandum animo, futurum illum vel pauperem, vel pauperi similem: Philosophiam nos ipsam docere ne ad calculos (uti aiunt) sedeamus, ne Oceanum Philosophicum divitiarum sacculis degravati tranemus: Ista quidem & id genus alia (cujuscunque tu aut ordinis aut conditionis extiteris) antiquorum Philosophorum exempla & sententiarum tela in nos conjicere qui satagis, næ, ego potius te exemplo primum tuo nobis præire, & tam frugalē vivendi conditionem præeligere prius optarem, quàm præeuntes nos, in seculo hoc tam ferreo & calamitoso Philosophos habeas.

*Disce prior contemnere opes, & te mage dignum
Finge DEO. ———*

O ingrata tempora, & deplorandos erumnosi nostri seculi mores! O misellos, hac præsertim tempe-
state


state, per omnia & in omnibus Philosophos.

Enimvero, sepositis paulum gravioribus, (si quis heic facetiis in materia jam tristi locus) quid aliud (prout ætas fert) *Porphyrianus Logicus*, quam *Animal*, *vagulum*, *implume*, *tripes*; *implume*, *deplumatus* quippe & ad ossa usque corrasus; *tripes*, *bacillo* quippe præ imbecillitate per universam vitam jugiter innixus: cujus *Proprium* quarto modo, non *Risibilitas* sed *Fleibilitas* potius est: Qui *Categorias* enumeratum it, *Substantia Categorias* licet meditetur, in *Differentiarum substantialium* numerum, *reductivè & collateraliter* quantocyus reducitur. Quoties vero ingeminatâ *Oratione*, vel geometricam mercedis *Quantitatem*, peracto labore, in ipso *Temporis* instanti proportionabiliter sibi dari postulat, toties ipse bene merentium *Lineâ* expunctus, iniquâ nescio quâ procrastinatione, ad *Futurum* (differentiam *Temporis* ut ultimam, ita omnium tædiosissimam) ingenti negativarum *Orationum* cum *Numero & Superficie* remittitur. Atque adeo ad *Qualitatis Categorias* abjectissimè transmissus, (quum nullam *Paterna Misericordiæ Relationem* in universo *Relatorum* agmine inveniat) in evanidis *Naturalis Impotentia* spatiis ipse omnium impotentissimus obtorpet; & subingruente exorbitantium *Passionum* quasi phrenesi commotus, lætitiæ *Habitus*, hilaritatis *Dispositionem*, *naturalem* differendi dicendique *Potentiam*, *Formam* denique & *Figuram* omnem exuere cogitur. Usqueadeo ut *Parvarum Categoriarum* quasi Tuguriolis amandatus, cum nullum refrigerii *Locum* in *Vbi* reperiat; quandoquidem in *Quando* nullam miseriorum relaxationem habeat; cumque in *Situ* nullam concinnam *Partiam positionem* consequatur; cum deque ex *Officinâ* r̃ *Habere* ne quidem vel ex sacco *Togam*

Togam (quâ nuditatem ipse suam cooperiat,) compe-
 riat; amodò mendosissimi mendici in morem, erumno-
 sissimus per omnia Philosophus huc illucque & hor-
 sum vorsum usque-adeo agitatur, ut cooperta *Actio-
 nis & Passionis* Ergasteria nolens volens subingredi co-
 gatur; ibique tanquam in perplexissimæ difficultatis
 labyrintho quodam, non tam perdius pernoxque im-
 bi operari & actum agere, in jugi laborum intensione,
 quàm jugiter agendo unâ & pati, & subingruentes ad-
 versæ fortunæ insultus (cum nullâ vel levissimâ *Remis-
 sione*, contra ipsas *Passionis proprietates*) patientissimè
 tolerare; tanquam ipse expressissimum vanitatis simu-
 lachrum, imbecillitatis bulla, temporis spoliū, lusus
 fortunæ an infortunii porius, inquietationis imago, ac
 (ut verbo) invidiæ & calamitatis meta foret. *Perier-
 meneuticus* quisque dum mercedem sibi dari *simplici
 Propositione* postulat, toties multiplicatis *Oppositionum*
 telis obvolvitur; atque adeo ad *Modales* transmis-
 sus, pernegato illi *Necessario*, ad *Impossibile* *inva-
 nius* ἀντιφάτικωστε reducitur: *Analyticus* ille *pri-
 or*, dum *Syllogismum* in *extrema & medium* ritè resol-
 vere satagit, *medio* undè vivat destitutus ipse, *extremam
 vitæ resolutionem* pati cogitur; & vel in munerum *in-
 directe concludentiam*, vel ad *Pontem Asinorum* refertur:
 Quoties verò *Dabitis modum* profert, toties ipse ad *Bo-
 cardo*, qui negativè concludit, reducitur: *Analyticus
 posterior*, quoties *sensibilem* mercedulæ suæ *Demonstra-
 tionem* deposcit, *Pseudographemate* statim donatur; atque
 adeo καὶ τὸ πᾶν, καὶ ὅλον, καὶ καθόλου πᾶσι τοῖς necessi-
 tatur. *Topicus*, dum refrigerii *locum* in *Topicis* suis qua-
 rit, ad *συντάξιν* quanto citius reducitur. *Sophisticus*,
 prolato semel *Sophismate*, *εἰς νόμον* pro præmio re-
 portat, tanquam non causam pro causa protulisset. *Eshi-*



co, ne vel naturalis ille Boni (quod omnia appetunt,) appetitus, tantum abest fruitio conceditur: Dum felicitatem ipse aliis clarè indigitat, ipse omnium infœlicissimus, in Calamitates Priamicas præceps fertur, & Muneribus fortune destitutus, ἀνταρκειαν penè omnem consequenter amittit. Virtutem in mediocritate ponendam suadeat licet, Iustitia tamen & Liberalitatis Mediocritatem nullam reapse & experimento invenit. Oeconomico Patrem Familias esse non licet, ipsissimo non tam Oeconomicae suæ disciplinæ fundamento, (Conjugii, viz. beneficio) quam rei familiaris mediocritate orbatus: Principium Physico primum, præcipuum & omnium maximè essenziale, PRIVATIO est; sed quid dixi præcipuum? Imo vero solum: Præsertim cum nec Materiam quâ vivat, nec Formam habeat, per quam vivere possit. Quod si ergò Physico, Privatio sola pro Principio sit, quisnam quæso Principiati Locus? Enim-vero (cum non μέγας τὸ ἀέρεον) Vacuum erit: Qui dum Nutritionis, Augmentationis, Alterationis, dum denique naturalissimum Generationis Substantialis modum ex professo tradit, eopse ipse temporis articulo, debitis rerum necessariarum subsidiis orbatus, præeuntibus variis adversæ fortunæ alterationibus, paulatim decrescendo interit, tandemque esse definit. Arithmetico, Numerus solum Numerans pro præmio est, Numeratus vero haud item: Et quicquid aliàs de jucundâ Specierum suarum theoriâ, sola illi Subductio in praxi est, Additio vero, Multiplicatio haud item. Arion Musicus tristi non tam fato quam sorte è literatorum navigio crudelissimè ejectus, presentissimo subvenientis Delphini subsidio destituitur, & decumanis negligentiae fluctibus expositus, spretâ Cytharâ, cantilenam ipse suam Cygneam Oceano & Ventis



Ventis fundere cogitur. *Geometra* dum *Lineam*, dum præsertim *Circulum* ex professo contemplatur, momento citius ad Paupertatis *Angulum* reducitur, & exitiali Danistæ & Creditoris sui Circulo includitur. *Astronomus* recurſantes *fiderū cœlestium ortus & occasus* diligentissimā indagine observans, declinantis prosperitatis *occasu* conturbatur, & extremæ miseriæ *Epicyclo* inclusus, (Lunatici adinstar) uniformem cœlestis Machinæ tenorem interrumbare molitur.

Spaciosissima *Terra* Latifundia commensurabit *Geographus*, cum ne vel minimam ejusdem portiunculam qua pedem figat ipse de suo habeat. Quod denique *Metaphysico* jucundissimum videtur, eidem idipsum perquam exitiale est: *abstrahit*, *præscindit*, quæque in re sunt naturalissimè conjuncta divisim concipit: Sed quodnam quæso tam operosi laboris brabium? nulum planè, utpote *abstractum* illud quidem & injuriâ an incuriâ nescio quâ subtilissimè *præcisum*. Usque-adeo hodie innocentissimi nos per omnia deprimimur Philosophi. DEUM immortalē! Quorsum adeo in singulis (quæ ad tam tristem Philosophorū conditionē spectāt) minutulus? O descendat heic nobis desuper exuberantis facundiæ flumen quoddam, quo, tanquam gratissimo quodam Nilo, sitibundus hic expressionis nostræ agellus foelicissimā aspergine irroretur, ut mille & mille id genus alia *Philosophorū* gravamina, erūnas molestias, curas, tædia, omnium infimus hic quem conspicietis Philosophus professione (sed ex necessitate hodie Orator) palàm commemorare queat! O vel Temporis quā premimur angustia, vel vestra (Auditores humanissimi) quā cohibemur patientia, vel subventuræ *σὺν ἡμετέροις* necessitas, tantillum ferre non gravaretur! O vel heic nobis coram præsto essent æquissimi quorum interest Iudices, qui

ces, qui nobis vindicias secundum libertatem dent (ut
phrasi utar Livianâ) in quorum sinu justissimas has *IL-
LACHRYMANTIS PHILOSOPHIÆ* & Philosopho-
rum querelas securè deponeremus! Indè nobis libera-
tionis quantocyus affuturæ spes certa: inde inveterati
doloris & inquietudinis nonnulla saltem remissio, ac ut
verbo, liberioris expressionis commodior concederetur
ocasio.

Dixissem: & Oratiunculæ filum consultò abruptissem,
nisi mihi in mentem venisset Senecæ illud (*Vigilantis ni-
mirum esse, occasionem observare properantem*) nisi & in-
super ulteriori me enarratione detinuisset quod Idome-
næo cuidam Epicurus ipse scriptum post se reliquit;
consilio viz. suo præcipiens *ut quantum possit properet,
antèquam aliqua vis major interveniat, & auferat liber-
tatem vel procedendi vel recedendi: nec quicquam tenta-
dum esse, nisi cum apè poterit & tempestivè intentari: cum-
que tempus istud venerit, exiliendum monet: Nec properan-
dum ante tempus, nec cessandum in tempore.* His nos præ-
monitionum stimulis, tanquam ab epidemico mœroris
& sollicitudinis somno experrecti Philosophi, negligenti-
æ & incogitantia merito coargueremur, si tam jucun-
dæ opportunitatis anſam (quæ nobis vel desperantibus
commodum hodie sese obtulit) neglexerimus.

Vos igitur quorum interest Agonothetæ (si quis
heic Apostrophæ locus) vos Universitatis nostræ Aber-
don. Inspectores oculatissimi, à Serenissimo nostro
CAROLO ad tanti numeris functionē perquàm oppor-
tunè & ritè designati, (quorum gratissimum adventum
presentiam, subsidium, *ILLACHRYMANTIS PHI-
LOSOPHIÆ* Clientuli nos expectando expectamus) ex-
urgite unà in vindictam & grassantis inedia gangrænâ
exasos


exætos Philosophorum poplites, providentiæ & misericordiæ vestræ alexipharmaco corroborate ;

*Nam, veluti magno in populo cum saepe coorta est
Seditio, sævitq; animis ignobile vulgus,
Iamque faces & saxa volant : furor arma ministrat;
Tum pietate gravem & meritis, si forte Virum, quem
Conspexere, silent, arrectisque auribus adstant;
Ille regit dictis animos & pectora mulcet,*

Haud aliter nos (gratissimi adventus vestri certissimo rumore & nuncio accepto) silentium nobis taciturni injungemus, tantisper dum pulsâ omni inquietationis tempestate, tranquillâ vos Reip. nostræ Literariæ malaciam, Authoritate & Prudentiâ vestrâ postliminiò reducatis : Memineritis interim modò vos, Alme-Matri Philosophiæ devinctissimos olim extitisse Alumnos ; Memineritis modo vos, juvenilis ætatu læ vestræ Tyrocinia suavissimo Philosophiæ in gremio quondam deposuisse, exindèque tanquam ex perenni scaturigine, solidioris vestræ Prudentiæ, & Sapientiæ lac defluxisse. Vos quos in tam eximium dignitatis gradum ille omnis boni largitor DEUS usque-adeo evexit, quos denique sacratissima CAROLI nostri Majestas Reipub. utriusque Patronos esse voluit : Vos per misericordiæ *σπλάγχνα*, perque illam Iustitiæ (quam quidem hodiè *ἀμειψτοι*, & *ἀπεσωσώπληπται* omnes trutinatis) libram, afflictissimi nos hodiè, & omnium maximè infortunatissimi, junctis precibus submississimè comprecamur Philosophi, ne Philosophica hæc nostra inter reliquas Professio gravioribus infortunii, aut malevolentia tempestatibus objiciatur : Ne dum constabiliantur aliæ, sola dispendium Philosophia patiatur. Ne hinc ultra innocentissimus Aristoteles eat

H

les eat

les eat pedes; Ne indignabundus sine honore & præmio oberret Peripateticus, & perplexissimis Philosophiæ in Labyrinthis, furibundi adinstar, ulteriori inquietatione sese divexet: Sed amotâ omni ulterioris gravaminis & querimonix ansâ, promptissimoque imposterum viatico instructus, Disciplinarum humanarum agmen primus ducat, & ex officio sibi demandato Disciplinis quibuscunque aliis facem præferat.

D I X I.

Doctissimo & Spectatissimo Amico,
D. DAVIDI LEOCHÆO,
ACAD. ABERDON. SUBPRIMARIO.

Siccinè flevistis gelidi vos saxa Lycæi?
Sic abit in Lachrymas Mænalus ipse pias?
Pro dolor! hîc lachryma Niobes, hîc flebile Carmen,
Quale procûl patriâ Naso poëta dedit,
Spes tamen has vestras abigat Leochæe querelas
Spem Mæcenatum gratia certa facit.
Sic reor; atque utinam patula sub tegmine fagi
Melpomenen recreet nostra Thalia tuam.



D. W.

